

MP submete proposta lei krime sibernetika ba Governu



Prokuradór Jerál Repúblika, José Ximenes. Imajen Tatoli /Egas Cristovão

DILI, 05 janeiru 2021 (TATOLI)-Ministériu Públiku (MP), segunda (01/04), submete ona proposta lei krime sibernetika (cyber crime) ba Governu liuhosi Ministériu Justisa hodi bele apresenta ba Konsellu Ministru atu diskute.

“Ami haruka tiha ona ba Governu anti projetu lei *cyber crime* ninian ba Governu liuhosi Ministériu Justisa,” Prokuradór Jerál Repúblika (PJR), José Ximenes, informa, ohin, ba jornalista sira iha Palásiu Prezidensiál, Dili.

MP sei fó koñesimentu proposta lei ne’e ba iha komisaun A Parlamentu Nasionál hodi bele haree hodi halo konsultasaun hodi aselera liután.

Jose Ximenes, la esplika detallu kona-ba proposta lei ne’e ho nia artikulasaun iha artigu hira, maibé konteúdu jerál hosi lei ne’e atu regula sidadaun sira utiliza mídia sosiál ho loloos no labele halo difamasaun ba malu.

Jornalista : Nelson de Sousa

Editór : Francisco Simões